

Vun driweriwer

erscheint auf www.lenauheim.de

monatliche
Erscheinung

August 2016

von *Helen Alba*

Echt zigeinrisch

Ich fahr gheere ins Auschan-Gschäft inkaafe. Do gits aus der Schager Strooß e Bus, der bleibt grad voredran halle. So wart ich an eem scheene Tach in der Bushalterstell. Do gsiehn ich e schäwiche Kinerwaan stehn, ohne Kind drin oder Mutter newedran. Wie ich awer besser uf die ville Autos schau, die an der Ampel bei Rot halle, war ich lamuriert. Dorte is die Mutter mitm Kind ufm Arm hin un her geloff un hat gebettelt. Weil noch Zeit war, bis de Bus kumm is, han ich mich dermit vertoort, zu pichte, ob was for Mutter un Kind rausschaut. Un ich kann eich saan, die Autofahrer ware nit knickich. Meischt han se eeni Lei ausm Finschter rausgstreckt, die Zigeinerin hat alles in ihrem Buse verstaute. Wie de Bus in Sicht war, hat se sich zamt Kind geger die Halterstell bemieht, es Kind, des wu dreckich un bloßfiessich war, in de Kinnerwaan ghuckt un is dermit in de Bus gstie. Es Kind hat zu plärre anfang, was die Mutter nit vill gsteert hat. Beim Auschan sin se ausgstie.

Ich sin meiner Weche gang un han mer derbei mei Teel gedenkt. Wie ich noh eener gudi halwi Stund mei Inkaafswaan geger die Kassa schieb, han ich jo die Zigeinerin zamt Kind vor mir. Un in ihrem Waan war drei Mol sovill Inkaaftes wie in meim. Mich is des jo nix angang. Doch mitkriet han ich schun, dass die Zigeinerin nor vum Feinschte inkaaft hat. De Kinnerwaan hat seeleruhich uf die zwaa beim Ausgang gewart. Jetz war dorte drin ke Platz mehr fors Kind, er war gstuppte voll mit Keschtlicheite.

Un wieder wart ich dorte in der Bushalterstell. Un bemerk, dass die Zigeinerin, ohne ufs Kreische vum Kind zu achte, erscht Saft trinkt un dernoh herzhaft in e Hinglsschunke beisst. Endlich hat se dem Kleene a e Stickl Brot in die Hand gedrickt. Alli Abfäll hat se achtlos newer sich uf die Erd geworf. Es ware meh Leit, die uf de Bus gewart han. Doch niemand hat sich getraut, etwas zu saan. Mutter un Kind sin in de Bus ingstie. For selle Tach, han se „ihre Brot verdient ghat“!

E nowle Geburtstach

Es war vor 30 Jahr, selmols han ich noch Motore gewickelt. Mei Tischkumradin Amalia is an eem Morjet mit verkrischne Aue in die Arweit kumm un hat gelallt: „Ich krien e Kind!“ Weil es schun e zehnjährichi Tochter ghat hat, wars ausser Rand un Band. Ich hans beruhicht un em gerot, es soll des Kind zur Welt bringe. Un versproch, ich wer die Taafgoth sin.

So wars dann ach. Vor korzem hat mei Teifling, es Anita, sei 30. Geburtstach gfeiert. Mir sin unser 15 Personen in e nowles Restaurant ingelad wore. Wie de Kelnner die Speisekart gebrung hat, do ware meischt so Firlefanz-Angebote, vun dene ich nit vill halle tun. Also han ich mer liewer e Wiener Schnitzel mit Rosmarein-Krumbiere bstellt. Die jingre Leit han allerhand Soße, natierlich mit Fleischsorte rausgsucht. Un bis es Esse kumm is, han mer ufs Geburtstachskind angstosst. Un dann is de Kellner mit riesiche Tellere angsharwenzelt un hat gute Apettit gewinscht. De Hunger war jo do. Doch wie ich mer e Stick Schnitzl abschneide han wille, is mer des nit gelung. Erscht han ich gement, vleicht misst ich e anres Messer verlange. Doch gschwind sin ich drufkumm, dass es Fleisch hart war un mit Sicherheit nit frisch gebackt. Die Krumber ware ach kalt un anstatt knuschprich ware se latschich. Weil ich mich schenniert han, zu kommentiere, han ich do rum gstochert. Un gsiehn, dass es de anre nit besser gang is. Es meishti Esse is in de Tellre geblieb, eener hat de anre anschaut. Gut war, dass die Tortn alli beschtens gschmeckt hat un die Gäscht nit mit ganz leerem Maa hemgang sin!